

**Nipisanniarneq pillugu Namminersorlutik Oqartussat nalunaarutaat nr. 6, 21. maj
2014-imeersoq**

Inatsisartut inatsisaat nr. 12, 3. december 2012-imeersoq aqqutigalugu kingullermik allanngortinneqartumi Aalisarneq pillugu Inatsisartut inatsisaanni nr. 18, 31. oktober 1996-imeersumi § 10 a, § 13, imm. 2, § 23, imm. 1, § 33, imm. 2, aamma § 34, imm. 3 naapertorlugit aalajangersarneqarput:

Atuuffia

§ 1. Nalunaarummi pineqarpoq tunngaviusumik killeqarfip avataani milit 3-t akornanniit-tumi imaani Kalaallit Nunaata aalisarnikkut oqartussaaffigisaani nipisanniarneq.

Nassuaatit

§ 2. Nalunaarummi matumani Kalaallit Nunaata imartaq aalisarnikkut oqartussaaffigisaat tassaavoq Kalaallit Nunaanni aalisarnikkut oqartussaaffigisassaq pillugu kunngip peqqusineratigut Statsministeriaqarfip nalunaarutaani aalajangersagaasoq.

§ 3. Nalunaarummi matumani inuussutissarsiuutigalugu aalisarneq pisat tamarmiusut taakkualuunniit ilaasa tunineqarnissaat siunertaralugu aalisarnertut paasineqassaaq.

§ 4. Nalunaarummi matumani inuussutissarsiuutiginagu aalisarneq nammineq pisat atornissaat siunertaralugu aalisarnertut paasineqassaaq.

Inuussutissarsiuutigalugu nipisanniarnissamut piumasagaatit

§ 5. Inuussutissarsiuutigalugu nipisanniarniaraanni akuersissuteqartariaqarpoq, taanna Aalisarnermut, Piniarnermut Nunalerinermullu Naalakkersuisoqarfimmut qinnuteqaateqarnikkut tunniunneqassaaq.

§ 6. Aalisarsinnaanermut akuersissutit sivisunerpaamik ukiunut marlunnut atuuttussanngorlugit tunniunneqartarput.

Imm. 2. Akuersissutip aalajangersakkat makku imarisinnaavai, qassutit qassit akuersissummi ataatsimi atorneqarsinnaanerat, sumiiffimmi sorlermi aalisartoqarsinnaanersoq aamma aalisarfinni ataasiakkaani piffissap qanoq ilinerani aalisartoqarsinnaanersoq.

§ 7. Piffissaq 16. juli - 28. februar inuussutissarsiuutigalugu nipisanniarissaq inerteqquataa-voq.

Pisassat annertussusissaat aamma ullut qassit annerpaamik aalisartoqaqusaanersoq.

§ 8. Inuussutissarsiuutigalugu nipisanniarneq pisassiissutinik tunngaveqartumik aamma ullunik aalisarfissanik tunngaveqartumik ingerlanneqassaaq, tassa ukiunut ataasiakkaanut ullut aalisarfissat amerlassusissaat pisassiissutilu aalisarnermik ingerlatsinissaq pillugu pilersaarut Naalakkersuisut akuerisaat naapertorlugu aalajangersarneqartarmata.

§ 9. NAFO-p suliassaqarfinit ataasiakkaanut tunngatillugu inuussutissarsiutigalugu nipi-sanniarnissaq qaqugukkut aallartinneqassanersoq qaqugukkullu unitsinnejassanersoq najukkami tunitsiviit aalisartullu kattuffiisa sinniisutitaasa isumaqatigiissuteqarfingissavaat.

Imm. 2. Imm. 1 malillugu isumaqatigiissutigineqartut NAFO-p suliassaqarfiani kingusinner-paamik sapaatip akunnera ataaseq sioqqullugu nipsanniarnissap aallartinnginnerani Aalisar-nermut, Piniarnermut Nunalerinermullu Naalakkersuisoqarfimmut nalunaarutigineqassapput.

Imm. 3. Piffissap aalajangersimasup § 9, imm. 1 naapertorlugu aalajangersarmeqartup avataa-tigut inuussutissarsiutigalugu nipsanniarmeq inerteqqutaavoq.

§ 10. Ullut aalisarfissat amerlanerpaaffissaattut akuerisat NAFO-llu suliassaqarfinit ataa-siakkaani pisassatut akuerisat 85 %-ii pillugit nalunaarutit tusagassiorfiit aqqutigalugit aamma Namminersorlutik Oqartussat nittartagaat aqqutigalugu nalunaarutigineqassapput.

Pisassattaaq tamarmik pisarineqarnerat nalunaarutigineqartassaaq.

Imm. 2. Piffissarititap § 6, imm. 1-imi oqaatigineqartup ingerlanerani allannguisoqarsinna-voq, tak. aalisarneq pillugu Inatsisartut inatsisaanni § 10.

Nipsanniarnermi atortut

§ 11. Nigartat angissusissaat atortullu nalunaaqutsernissaat eqqarsaatigalugit Piujuartitsineq siunertalarugu aalisarnerup teknikkut iluarsartuussivigineqarnera pillugu Namminersorlutik Oqartussat nalunaarutaanni § 7, imm. 7-imi aamma § 17-imi aalajangersakkat atorneqassapput.

§ 12. Aalisarneq unitsinnejarpas aalisartoq pisussaavoq nammineq atortuminik pissutissa-qanngitsumik uninngangikkaluarluni piiaanissamut.

Nalunaarutiginninnek

§ 13. Nalunaarut manna naapertorlugu akuersissutaatillit, Sinerissamut qanittumi aalisarner-mit pisanik nalunaarutiginnitarneq pillugu Namminersorlutik Oqartussat nalunaarutaat nr. 15, 22. december 2011-meersumi § 3 aamma § 4 naapertorluginit nalunaaruteqartussaapput.

Inuussutissarsiutigalugu nipsanniarnerup unitsinnejgarnera

§ 14. Ullut aalisarfissat pisassallu naammatsippata § 8 eqqarsaatiginagu nipsanniarmeq ingerlaannaq unitsinnejassaaq.

Inuussutissarsiutiginagu nipsanniarmeq

§ 15. Nammineq atugassatut nipsanniarmeq danskit naalagaaffianni innuttaasunut Kalaallit Nunaanni najugaqavissunut tamanut atuuppoq. Nunani allani innuttaassuseqartut Danmarkimeersuunngitsut Kalaallit Nunaanni najugaqavissut aammalu ukiuni marlunni ataannartumik najugaqareersut danskit naalagaaffianni innuttaassuseqartunut naligitinne-qassapput.

Imm. 2. Inuussutissarsiutiginagu nipsanniarnermut atatillugu annerpaamik qassutit marluk atorneqassapput.

Pineqaatissiissutit

§ 16. § 5-imik, § 6, imm. 2-mik, § 7-imik, § 9, imm. 3-mik, § 11-mik, § 12-imik, § 13-imik, § 14-imik aamma § 15, imm. 2-mik unioqqutitsinerit akiliisitsinermik kinguneqarsinnaapput.
Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiiffik imaluunniit piginneqatigiilluni umiarsuaatileqatigiiffik unioqqutitsisuuppat, ingerlatseqatigiiffik immini akiliisussanngortinnejarsinnaavoq.

Imm. 3. Pinerluttulerinermi inatsimmi arsaarinnittarneq pillugu malittarisassat taamatuttaaq atorneqarsinnaapput.

Atuutilersitsineq

§ 17. Nalunaarut ulloq 1. juni 2014 atuutilerpoq.

Imm. 2. Ilutigalugu Nipisanniarneq pillugu Namminersornerullutik Oqartussat nalunaarutaat nr. 13, 13. maj 2005-imeersoq atorunnaarsinnejarpooq.

*Imm. 3. Ingerlatseqatigiiffit inuillu nalunaarummi matumani pineqartut § 5-imi piumasaqaa-
tit naammassisimassavaat kingusinnerpaamik ulloq 1. januar 2015.*

Namminersorlutik Oqartussat, ulloq 20. maj 2014


Finn Karlsen


Jørgen Isak Olsen

Aalisarfissat sumiiffiisa nassuaataat:

Kalaallit Nunaata Kitaa

Sumiiffik 1A

Tunngaviusumik killeqarfiup $68^{\circ}50'$ N-ip avannaata tungaani 3 səmilit iluanni tassungalu atasumik kangerlunni.

Sumiiffik 1B

$66^{\circ}15'$ N-ip aamma $68^{\circ}50'$ N-ip akornanni tunngaviusumik killeqarfimmi 3 səmilit iluanni taakkununngalu atasumik kangerlunni.

Sumiiffik 1C

$64^{\circ}15'$ N-ip aamma $66^{\circ}15'$ N-ip akornanni tunngaviusumik killeqarfimmi 3 səmilit iluanni taakkununngalu atasumik kangerlunni.

Sumiiffik 1D

$62^{\circ}30'$ N-ip aamma $64^{\circ}15'$ N-ip akornanni tunngaviusumik killeqarfimmi 3 səmilit iluanni taakkununngalu atasumik kangerlunni.

Sumiiffik 1E

$62^{\circ}30'$ N-ip aamma $60^{\circ}45'$ N-ip akornanni tunngaviusumik killeqarfimmi 3 səmilit iluanni taakkununngalu atasumik kangerlunni.

Sumiiffik 1F

$60^{\circ}45'$ N-ip kujataata tungaani aamma $44^{\circ}00'$ V-ip kitaata tungaani tunngaviusumik killeqarfimmi 3 səmilit iluanni taakkununngalu atasumik kangerlunni.

